

gnantten zeal eyne stirbitt, alzo uffte sullen unde welle wir cyn stadtkyntt auß der statt
 Freybergk umb gottis willen uffnemen. So sy aber was hette, wenigk aber vil, das sal
 syc mittebrenge, dach alzo das dasselbe kyntt ader jungfrawe geschigkett sey zeu
 geystlichem lebem unnde von frommen unverthadelten leutthen herkommen sey unnde
 5 geboren, ouch das das kyntt nichtt under †newen^e) jaren sey der joguntt, ouch dy jung-
 frawe nicht ober †xv^e) jarenn sey des alders unnde das eyne priorynne neben cynem
 convent das kyntt ader jungfrawe vor prufe unnde vorsuche an seynen sytten unnd thun,
 ab sy dy erleyden unnde erduldenn können, ab es zeu cynem geystlichenn leben togk
 ader nicht. Unnde ab auß der stadt Freybergk ader auß andern stethen ader von dem
 10 lande ober dyße oben gnannte zcale der dreyssigk geystlichenn personen kwemen frommer
 leutthe kyndt unnde brechtenn mitt en so vil, das sy das closter konnde dernerenn ane
 der andern schaden, dach ane mit underloffunge der symonya, alzo das wir ader unßer
 nochkomenden weldenn eyne sunderliche satzezung machen, das eyne alzo vil, als ir
 denne genantt worde, sulde mit ir brengen ader sulde in der werlde bleyben, ader das en
 15 allen gleych eyne sunderliche summa welden setzeen, welche dyselbige nicht hette mitte
 ir zeu brengen, sulde nicht in ordenn genomen werdenn, sunder in der werlde bleyben,
 das wer widder gott unnd were eyne symoneya, das welle gott nichtt, das im alzo sulde
 geschein; sunder was en in der werlde mitte geburthe von cren eldern, das sullen sy
 ouch mit en brengen in das closter, unnd dasselbige sal noch erem tode nicht widder in
 20 dy werlde sterben ane ere frunde, sunder bey dem closter bleyben. Domitte sal man
 ander arme kynder dernerenn, dy auß der stadt Freybergk werden uffgenommen. Unnd
 alle sulche personen auß stethen ader von dem lande, wye oben berurt ist, in sulcher
 meynunge, wolle wir und sullen alle unser nochkomelynge ouch uffnemen, dach alzo das
 cyn eyrbar weyßer ratth zeu Freybergk sall mitte helffen in dy sache sehen, das das
 25 closter nicht mit alzen vil personen werde oberladen, dodurch in ezukomfftigen schaden
 mochte kommen unnde abenemen in der heyiligen observancie, so sy durch armutth des
 closters sich selber musthen erneren unde mitt den leutthen vil zeu schigken haben.
 Doruber uff das dy helige observancz unnd geystlichkeyt inn unserm closter unde dy
 beslyssunge unsers closters ewigklichen cynen bestantt müße haben, so vorwillige wir
 30 oben gnantten priorynnen unnd gancze conventt, ab es geschege, das wir ader unßer
 nochkommenden in ezukomfftigen gezeeytten das closter offen worden unde dy wertlichen
 leuthe auß unde cyn wurden loßen gehen ader wir ader unßer nochkomenden selber ane
 große mergliche redeliche orsache notz ader frommen unßers closters, sunder auß leicht-
 ferttigkeyt ader behegelikeyt unßer frunde außgehen ader faren worden, das sal der
 35 erbar weyße rath alhy zeu Freybergk als unßer vorweßer und obirster vorstheer gancze
 vollekommene machtt haben dorumb zeu reden unde das ganczlichen zeu weren, uff das
 das redeliche lobeliche leben unde dy geystlichkeytt ewigklichen moge bestantt haben.
 Dorumb gereden unde geloben wir obgenantten priorynne unde dy gancze sampnunge
 des gnantten closters — dy obgnantten vorwillunge sthette unde gancz unverbrochlichen